

Gratias expectativas & mandata de providendo nemini amplius concedi decrevit Concil. Trid. sess. 24. de reform. c. 19.

emanassent, liberè disponendi facultatem concedimus per presentes. Et quia illi Summi Pontifices prædecessores nostri conseruerunt se in concessionibus gratiarum expectatarum personis benè meritis exhibere liberales, nostræ intentionis existit concedere in Regno, Delphinatu, terris & dominiis regni huiusmodi ultra gratias expectativas per nos in eisdem Regno, Delphinatu, terris, & dominiis concessas (quibus in aliquo præiudicare non intendimus per presentes, quâque in suo robore permanere volumus) sex personis idoneis regnicolis, sex alias gratias expectativas ad quamlibet collationem, provisionem, præsentationem, seu quamvis aliam dispositionem singulorum ex Prælati, & aliis personis prædictis. Ex quibus quidem sex gratias duæ gratiæ expectatiuæ concedentur duobus Clericis regnicolis idoneis, pro quibus Rex ipse, & charissima in Christo filia nostra Regina, ac dilectus filius nobilis vir Delphinus Vienæ, necnon Magistri & Præfidentes, ac alii Officiarii, in aliquo ex Parlamento Regis eisdem Regni nobis super hoc unanimiter supplicabunt, qui duo nominati per Regem & Reginam, Delphinum, Magistros, Præfidentes, & Officiarios præfatos gaudeant prærogatiua ad instar familiarium nostrorum continuorum commensalium. Ipsique sex gratias consumptis, alias sex gratias similes, aliis sex gratias personis idoneis modo & formâ præmissis concedere intendimus. Volumus autem, ac eisdem auctoritate & tenore præsentium decernimus & declaramus, beneficia, quæ venerabilium fratrum nostrorum Sanctæ Romæ Eccles. Cardinalium familiares continui commensales eorum familiaritate durante in Regno, Delphinatu, terris, & dominiis præfatis obtinent, & in posterum obtinebunt, dispositioni Apostolicæ in posterum censi reservata, quandiu duntaxat Cardinales præfati vitam duxerint in humanis, ac post obitum eorundem Cardinalium per sex annos continuè sequentes. Quibus quidem sex annis elapsis, alii ad quos eorundem beneficiorum collatio, provisio, præsentatio, electio, seu quavis alia dispositio aliâs pertinet: de beneficiis familiarium huiusmodi in Regno, Delphinatu, terris, & dominiis præfatis consentientibus, in prædictis mensibus disponere valeant, huiusmodi reservatione non obstante. Concedimus etiam, quod beneficiorum, quæ promovendi per nos, dignitates, seu beneficia consistorialia ipsarum provisionum per nos de eorum personis faciendarum, obtinebunt, ac in quibus, & ad quæ ius eis quomodolibet competit, ac competere poterit: per promotiones ac dignitates, & alia beneficia consistorialia prædicta, ac munus consecrationis eisdem promovendis impendendum, seu lapsum temporis de consecrandis Episcopis à sacris Canonibus definiti vacaturorum, si promotiones ipsæ in aliquo ex prædictis mensibus fiant, nisi beneficia ipsa essent, aliâs dispositioni Apostolicæ, ut præfertur, reservata, ad Prælatos & personas prædictas. Si verò in aliis mensibus promotiones eisdem fieri contingat, ad nos & Romæ Pontifices successores nostros collatio, provisio, & omnimoda dispositio pertineat. Et quoniam Sedis Apost. Notariorum magnus reperitur numerus, eorundem Notariorum, qui habitum per eisdem Sedis Notarios gestari solitum publicè & continuè gestant, & in posterum gestabunt, beneficia in eisdem Regno, Delphinatu, & terris consentientia, duntaxat censentur reservata: quodque omnes & singulæ causæ beneficiales in partibus eorum Judicibus competentibus usque ad definitivam inclusivè: in prima duntaxat instantia, in qua nulli ante definitivam licet appellare, nec appellatio, si fuerit emissa, debeat admitti, nisi ab interlocutoria, vel à gravamine negotium principale minimè concernente, quod non possit per appellationem à definitiva sententia reparari. In aliis verò instantiis in Romana Curia tractentur, cognoscantur, & sine debito terminentur. Causæ verò beneficiales pendentes in dicta curia inter nostros, aut dictorum Cardinalium familiares continuos commensales ipsi Cardinalibus, in eadem curia presentibus, seu in aliqua legatione, aut recreationis causâ secedentibus, necnon præfate Sedis officiales, officia actu exercentes, aut alios à præmissis, qui per sex menses curiam prædictam secuti sunt, & sequuntur de præfenti, curiales, & quocumque alios eorum adversarios, super quibusvis beneficiis eisdem adversariis auctoritate ordinaria collatis, per illos, quibus commissis reperiantur, seu alios per nos ad id deputatos, seu etiam deputandos Judices audiantur, cognoscantur, decidantur, hincque debito terminentur, ac executioni debitè demandentur. Ceteræ verò similes causæ beneficiales inter quoscumque alios pendentes, & quæ quibusvis Judicibus, seu Auditoribus commissæ reperiantur, aliquibus Judicibus competentibus in Regno Franciæ, auctoritate Apostolica committantur audienda, & cognoscenda, decidenda, & sine debito terminanda, cum necessariâ eorundem causarum advocacione. Præterea, quia aliquæ ex prædictis causis in eadem Roma Curia super petitorio, & diversis curiis ipsius Regni super possessorio tractantur: volumus, quod in eisdem causis in diversis curiis super petitorio & possessorio unico & eodem contextu pendentes, suspensio petitorio, & censuris super hoc latis, in possessorio in curiis eorundem Judicum, coram quibus causæ possessorii pendunt, de præfenti procedant, causæque ipsæ super huiusmodi possessorio intra biennium terminentur & finiantur.

Vide Conc. Trid. sess. 24. de reform. c. 20.

Alioquin biennio elapso liceat partibus ipsis procedere super petitorio, & ulterius dictis causis expeditis super possessorio, aut huiusmodi biennio elapso, altera partium litigantium coram Judice competenti, auctoritate Apostolica deputato poterit ius suum prosequi, ipsæque Apostolicus Judex intra aliud biennium causam in petitorio terminare teneatur. Quod si non fecerit, causa ipsa ab eo advocata, & lis penitus extincta censetur. Et si forsitan aliquis eorundem Judicum cuiusvis sibi commissæ causæ expeditionem malitiosè prorogare, aut differre præsumperit, excommunicationis, & omnium Beneficiorum suorum privationis poena ipso facto incurrat; à qua quidem excommunicationis poena absolvi nequeat, nisi à nobis & successoribus nostris Rom. Pontificibus, præterquam in mortis articulo: quodque de cetero in Literis expedientis in Regno Franciæ, Delphinatu, & terris, aliisque dominiis prædictis serventur taxæ super hoc editæ per Joan. XXII. Papam præfatum, & excessus, si qui fuerint, corrigantur. Et quia propter assiduas guerras & novitates, quæ continuè vigent in dicto Regno, præterdictarum Ecclesiarum, dum vacant gravatas, in taxa etiam reformata in Concilio Constantiensi, quæ reducta est ad medietatem antiquæ taxæ, quod gravatus in eadem taxa Prælati promovendus solvat communia & minuta servitia, quæ plures ex Gallis Annatam vocant, tantum pro vera æstimatione fructuum Ecclesiæ & Monasterii, ad quæ sit promotus, eaque in dicta Cancellaria & Camera Apostolica inviolabiliter observari mandamus. Et quia in prædictis concessionibus Regnum ac Regem maxima sumus charitate complexi, credendum est, non immerito, ut de devotos & obediens erga sanctam Romanam Ecclesiam exhibeant. Quare volumus & eisdem auctoritate & tenore statuimus, quod præfatus Rex intra quatuor menses præmissa acceptare & observare, ac in Regno, Delphinatu & dominiis huiusmodi observari facere, necnon intra alios duos præfatos quatuor immediatè sequentes menses super acceptatione & observatione, aliisque præmissis omnibus & singulis per suas patentes Literas nos & Sedem præfatum certificare teneatur. Alioquin præfatis literæ, & inde secuta quæcumque sint cassa & irrita, nulliusque roboris vel momenti. Nos enim extunc irritum decernimus & inane, si secus super his à quoquam quavis auctoritate scienter, vel ignoranter contigerit attentari. Nulli ergo omnino hominum liceat hanc paginam nostrarum concessionis, intentionis, voluntatis, constitutionis, declarationis, indulti, mandati, & statuti infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, & Beatorum Petri & Pauli Apostolorum eius se noverit incursum. Datum Romæ apud Sanctum Petrum, anno Incarnationis Dominicæ M. CCCCLXXII. septimo Idus Augusti, Pontificatus nostri anno primo.

II. SIXTUS IV. [c. an. 1478. Roma.]

Discordia inter Religiosos Mendicantes, & Ecclesiarum Parochialium Rectores in partibus Germaniæ quatuor Delegatis commissis, per eos sub certis formis & modis in pacem & concordiam conversa fuit: quam Romanus Pontifex confirmat, præcipiens sub pena excommunicationis illam à Prælati observari.

Vices illius, qui supra petram edificavit Ecclesiam suam, meritè licet insufficientibus, gerentes in terris, & per ejus immaculata vestigia, quantum nobis ex alto conceditur, incedere satagentes, inter Christi fideles quolibet, & præsertim sub uno atque eodem Sacerdoti vexillo nobiscum Deo militantes, pacem & charitatem inducere, & inductam conservare, vigilantî sollicitudine meditatur assidue, & quæ his contraria sunt falce vigilantia Pastoralis ad radicem posita submovere, prout rerum & temporum circumstantiæ id non immerito exposcere dignoscuntur. Nuper quidem pro parte tam venerabilium fratrum nostrorum Maguntinen. & Treve. Archiepiscoporum, ac Herbipolen. & Vormacien. & Spiren. Episcoporum, quam dilecti filii nobilis viri Philippi Comitis Palatini Rheni, & Ducis Bavarie, qui unus ex Electoribus Romani Imperii existit, ad nostrum pervenit auditum, quod inter dilectos filios Prædicatorum, Minorum, & Carmelitarum Ordinum Professores, & nonnullos Parochialium Rectores, & alios etiam Ecclesiarum Prælatos, instigante illo qui tanquam leo rugiens circuit quærens quem devoret: in partibus Germaniæ, & præsertim in oppido Eslingen. Constan. Diocæs. suscitata sunt nonnulla dissensionum & scandalorum fomenta ex certis causis tunc nobis expressis, quæ nisi per vigilantiam Pastoralis officii celeriter succidantur, possent ad scandalum non modicum Christi fidelium illarum partium faciliter pervenire. Nos igitur attendentes, quod Sacro-Sancta Rom. Eccles. ab ejus fundatione primæva in ordine Sacerdotali, quem Petrus Apostolus, & ejus successores observarunt, instituta, & per viros providos & Sacerdotes virtuosos adaucta, & longissimis temporibus feliciter conservata extitit. Rursusque animadvertentes, quod hodiernis temporibus hominum crescente malitia, nisi ager Dominicus cultoribus idoneis, buccinatoribus Spiritus Sancti, & præconibus verbi Dei, qui præter ceteros in Ordinibus fratrum Mendicantium

In mortis articulo nulla est casum reservatio: atque ideo omnes Sacerdotes quolibet penitentes à quibusvis peccatis & censuris absolvere possunt. Concilium Trid. sess. 14. c. 7. de casum reservatione.

Gal. 6.

Cap. Utriusque sexus de pen. & remiss.

Mat. 16.

gratiâ assistente Divina, in copioso numero reperuntur) assidue coheretur, vepribus malorum, & sentibus vitiorum omnium celeriter obrueretur: non potuimus non ab intimis cordis nostri dolere, quod inter tales viros, qui se mutua charitate diligere, & alter alterius, juxta Apostolum, onera portare deberent; discordiæ seminariū excitaretur. Unde cum vellemus super his, eâ quâ decet maturitate consulere, Venerabilibus Fratribus nostris Gulielmo Hostienti, & Angelo Prænestin. Episcopis; & dilectis filiis nostris Juliano, tituli Sancti Petri ad vincula, ac Petro, tituli Sancti Sixti, Presbyteris Cardinalibus, vivæ vocis oraculo committimus, & mandavimus, ut à singulis Partibus prædictis, vel eorum Procuratoribus legitimis, auditis hinc inde propositis, inter eas concordiam tractarent. Qui quidem Episcopi & Cardinales statutus loco & tempore, convocatis, auditis, & intellectis, Partibus prædictis, ut præfertur, & in præmissis graviter & consultè procedentes, Partes ipsas de communi eorundem consensu, ad concordiam infra scriptam perduxerunt. Videlicet, quod ipsi Parochiani Sacerdotes de cetero non dicant à Mendicantibus hæreses processisse, cum in veritate fides nostra sit illuminata, & Ecclesia exaltata per eosdem, & præsertim per Ordines Prædicatorum & Minorum, ut Jura testantur. Quodque Fratres Mendicantes non prædicent, populos Parochianos non teneri audire Missam in eorum Parochiis diebus Festivis & Dominicis; cum iure sit cautum illis diebus Parochianos teneri audire Missam in eorum Parochiali Ecclesia; nisi forsitan ex honesta causa ab ipsa Ecclesia se absentent. Quodque etiam nec Fratres, nec Curati inducant aliquo modo Laicos ad eligendum sepulchrum apud eos, & bene caveant propter poenas quas imponunt Canones, cum sit libera. Quod etiam ipsi Mendicantes desistant predicare, quod Parochiani non sint obligati, saltem in Paschate, proprio confiteri Sacerdoti: quia de jure tenetur Parochianos, saltem in Paschate, proprio confiteri Sacerdoti. Per hoc tamen ipsi Fratres Mendicantes non censentur exclusi quominus secundum juris communis & privilegium eisdem concessorum dispositionem, confessiones audire, & penitentias injungere valeant. Quod etiam de cetero inter ipsos Fratres Mendicantes, & Curatos, quoad effectum prædicandi, Horas cantandi, & campanas pulsandi, servetur consuetudo antiqua, quæ temporibus antiquis servata fuit in ipso oppido Eslingen. Et casu quo veniat aliqua occasio sive necessitas, non fiat commutatio temporis, vel horæ, in ipsis prædicationibus fiendis; nisi de consensu partium. Quodque etiam ipsi Fra-

tres in sermonibus eorum non detrahant Prælati, & Rectores Parochialium Ecclesiarum: neque etiam populus à suarum Ecclesiarum Parochialium frequentia & accessu abstrahant, sive retrahant quoquo modo. Et vice versa ipsi Rectores & Prælati aliquo modo non detrahant Mendicantibus; sed illum favorem, quem possunt, eis impendant, & in omnibus, & per omnia præsent: ita, ut vera unitas & perfecta charitas inter eos ostendatur. Nos itaque illius vices gerentes in terris, qui Apostolis suis dixit: Pacem meam do vobis, pacem meam reliquo vobis: cupientes super his opportunè provideri, motu proprio, non ad aliquis super hoc nobis oblata petitionis instantiam, sed de nostra certa scientia & mera voluntate, concordiam prædictam, ac omnia & singula per præfatos Episcopos & Cardinales ordinata (ad hoc, ut perpetuò inconcussa persistant) auctoritate Apostolica, & ex certa scientia approbamus & confirmamus, ac viribus perpetuò subsistere debere decernimus: suppletentes omnes & singulos defectus, tam juris, quam facti, si qui forsitan intervenerunt in eisdem. Injunctis nihilominus Archiepiscopis, Episcopis, Plebanis, Rectoribus, Curatis, necnon Prioribus, Gardianis, & singulis Fratribus Ordinum Mendicantium, sub poena excommunicationis late sententiæ, quam contra facientes, & quemlibet eorum contrariam incurere volumus, eo ipso, à qua absolvi nequeant, nisi de expresso consensu Partis læsæ, & debita satisfactione prævia, inviolabiliter observent: & quantum in eis est, ab aliis observari faciant. Et insuper quascumque lites & causas coram quibuscumque causarum Palatii Apostolici Auditoribus, seu alibi occasione præmissorum, inter dilectos filios Decanum & Capitulum Ecclesiæ Spiren. & Curatum dicti oppidi, ac Fratres prædictos indecisas pendentes: Illarum itatus, renores, & formas, & in eis gesta & acta, præsentibus pro expressis habentes, ad nos harum serie, motu, scientia & auctoritate prædictis advocamus: & litem seu lites ipsas penitus extinguimus: Et abbas partibus prædictis, lites huiusmodi confortibus, seu illis adhaerentibus perpetuum silentium imponimus; non obstantibus Constitutionibus & ordinationibus Apostolicis, ac privilegiis eisdem Fratribus in genere vel in specie concessis, ceterisque contrariis quibuscumque. Nulli ergo, &c. Datum Romæ apud Sanctum Petrum, anno incarnationis Dominicæ M. CCCCLXXVIII. xv. Kal. Julii, Pontificatus nostri anno septimo.

Joan. 14.

FINIS LIBRI PRIMI.